


聖廟祀典攷

第十二冊





五十三代奉祀孫

治 蒙古世祖中統元年襲曲阜縣尹

二年詔修闕里

孔廟及書院至元二年罷林廟洒掃戶王磐諍之曰

林廟戶百家歲賦稅六百貫僅比一六品官俸耳聖

朝疆域萬里財賦歲億萬計豈愛一六品官俸不以

待孔子哉且於府庫所省無多其損國體甚大格於

時譏而止四年勅修闕里孔子廟八年蒙古始定國

號曰大元以治尹曲阜兼權主祀事十七年元滅南

宋統一華夏訪孔氏子孫當立者得孔洙召至闕洙

遜於居曲阜守墓奉祀者世祖嘉之曰違榮而不違

聖廟祀典考

卷八 附錄 孔子後代考略

五三

親奠聖人後也封洙國子監祭酒承德郎兼提舉浙

東學校事二十二年陞曲阜尹孔治單州防禦使勅

其子思誠襲縣尹權主祀事治將行戒思誠曰毋妄

輕笞人邑長者見如父兄幼者撫若子弟三十一年

孔子手植檜一株復生三氏學教授張須移植於大

成殿南杏壇下今僅存此木屢枯屢榮詔撥給曲阜

沛縣地五十九頃五十畝作生徒學田治族弟淑

江商

行墓照磨以祖廟祭器未備請於臺征句吳製造中丞

之同僚助成其事四閱月而祭器備得太尊二山尊

四著尊四壺尊六犧尊面者八體者五象尊面者二

十二體者十尊皆有幕籠勺三十爵一百三十五塔
五十筐十罍二洗三帨四豆二百三十五簋一百五
十三蓋一百六十四邊二百五十邊皆有巾紫燎一
百二十江東廉訪副使廉希貢助漢釜一御史完顏
貞益以俎豆一百七十四元貞元年詔修闕里林廟
鄒縣尹司居敬摹孔子坐像刻於尼山爲文記之夏
詔求孔氏當襲爵者朝議以治祖元用有戰功治權
奉祀事三十餘年襲爵莫治宜於是封治爵如金制
大德五年勅賜田五十畝供粢盛德給酒掃林廟二
十八戶十一年加孔子號曰大成至大四年命國子

聖廟祀典考

卷八 附錄 孔子後代考略考

五

監祭酒劉廣詣曲阜以大牢祀孔子遣闕臣大司徒
兼左丞相李邦甯釋奠孔子大風起殿上燭盡滅燭
臺底鐵罇入地尺許者盡拔延祐元年治卒子思誠
襲爵族人不服請以世爵歸嫡長遂罷思誠 初衍
聖公端友南渡無子以弟端操之幼子玠襲爵玠傳
子搢搢傳子文遠文遠傳子萬春萬春傳子洙洙襲
爵於理宗辛卯閏四十九年而宋亡洙歸元孔氏謂
之南宗

五十四代奉祀孫

思晦 宋衍聖公愿三支仍孫若愚之景孫也若愚生

端立端立生璵璠生拂拂生元直元孝元用元直無
嗣元孝生之厚之厚生浣沂濊浣生思晦字明道幼
簡重讀書識大義講求義理不爲詞章學家貧躬耕
侍養以孝聞遠近師之延祐三年孔氏族人以其爲
嫡長目賢請立爲至皇帝復親閱孔氏族譜以爲思
晦宜特命襲封衍聖公主闕里祀事晦旣襲爵新廟
宇虔祀事凡祭田之爲豪右占據者皆理而復之修
闕里孔氏族譜刻於石以防孔景孔末等後人亂孔
宗之漸今曲阜縣聖裔爲裏孔其餘戶人之姓孔者
皆曰外孔

一說孟皮之子孫爲外孔

文宗至順元年加封聖父爲

聖廟祀典考

卷八 附錄 孔子後代考略

至蓋

啟聖王聖母爲啓聖王夫人三年封聖配爲大成至
聖文宣王夫人修闕里孔子廟元統元年晦卒有鶴
百餘鳴舍上神光自東南降于舍北壽六十七謚文
肅子一克堅

五十五代奉祀孫

克堅

至元六年封衍聖公同知大常禮儀院事因元

君無道自劾歸戊申吳王朱元璋卽皇帝位於金陵

改國曰明建元洪武以大牢祀孔子於國學二年下

濟甯路曲阜縣歸於明克堅稱疾遣長子希學入明

師至南都仍遣歸修闕里祀事復手詔賜克堅曰爾

祖宗垂教萬世子孫賓職王家代有崇榮非獨今日
吾奉天命安中夏雖起於庶民然古人由民而稱帝
者漢之高祖是也詔至克堅力疾赴南京召見謹身
殿卽日賜宅一區馬一疋米二十石加賜祭田一項
二年遣歸闕里祀孔子三年復命以疾乞歸卒於下
邳新安驛舟中年五十五子九希學希說希範希進
希麟希鳳希順希尹希贊

五十六代奉祀孫

希學

字士行以文學著名元季代父王祀事襲封衍

聖公洪武元年奉父命入覲南都召對敷陳治亂甚

聖廟祀典考

卷八 附錄 孔子後代考略

五十六

· 悉帝嘉納之詔衍聖公及世襲知縣官屬并如舊制
仍免孔氏子孫及顏孟大宗子孫徭役賜希學衍聖
公誥曰古之聖人自羲農至於文武法天治民明並
日月德化之盛莫有加焉然皆隨時制宜世有因革
至於孔子雖不得位會前聖之道而通之以垂教萬
世爲帝者師其孫子思又能傳述而名言之以極其
盛有國家者求其統緒尊其爵號蓋所以崇德而報
功也歷代以來膺封者或不能繩其祖武朕甚愍焉
當臨御之初訪其世襲者得五十六代孫孔希學大
宗是紹爰行典禮以致褒崇爾其勤敏以進學恭儉

以成德庶領袖世儒益展聖道之用於當世以副朕之至望豈不偉與復手勅中書省下所司優其廩給又賜襲文冠帶賜田二千大頃分爲五屯四畝十八官庄撥佃戶承種供廟祭及屬官廩給餘者爲衍聖公俸祿置林廟洒掃一百一十五戶在廟者百在林者七在洙泗書院者四在尼山書院者四令于曲阜等州縣選民間俊秀無過子弟充當佃戶洒掃戶設三氏學教授學錄學司各一員設尼山洙泗山長命衍聖公置官屬四年更定孔子廟祭器樂舞遵用竹其簠簋登鋤及豆初用水者悉易以磁牲用熟各設

聖廟祀典考

卷八 附錄 孔子後代考略

五七

高案祭用六佾樂生六十八舞生四十八引舞二人凡一百一十八人六年頒孔子廟樂章七年詔修闕里孔子廟免衍聖公名下私田稅糧三十頃俾修治樂器仍頒給鐘磬各一虞琴十瑟四鳳簫洞簫塤箎笙笛各四搏拊二祝敵麾各一又賜磁祭器一副酒盞一百二十五酒尊五有益毛血盤一十五罍四和羹盃四籩豆牒四百八十爵二十旣而孔庭族長涇許告世襲知縣孔希大不法事不盡實皆免罪改世襲知縣爲世職命衍聖公保舉一人送部選授領勅赴任希學舉族人克伸帝賜勅曰昔君天下者官以

五爵自漢以下職分九等凡斯之職非功德者弗登
可見昔君慎名爵而重能者朕值元運天更布衣而
起草萊天命歸而羣英附不五七年間輟兵息民一
華夏主兆民紀年洪武當建國之初已定神人之分
故天地位黔黎安焉其於先聖先師朕不敢外稽諸
歷代載在祀典者則仲尼南血食後世有襲封於是
法前代仍舊章孔希學受封命爲縣令者希大職如
前何期希大不依祖訓屢干國憲自蹈罪戾以失世
官今特選本族以孔克伸授從仕郎知濟甯府兗州
曲阜縣爾尙夙夜忠勤承流宣化鑒前車之失求無

聖廟祀典考

卷八 附錄 孔子後代考略

五六

忝於聖裔則予汝嘉爾勉之哉十一年闕里孔子廟
成十四年賜闕里樂舞羽籥者四十八旌節二應鼓
二仍令舞生陳慶等十二人赴京師肄習九月希學
卒年四十有七帝聞之悲悼親製祭文遣行人張濟
民致祭明史臣曰希學好讀書善隸法文詞爾雅每
賓客讌集談笑揮洒爛然成章承大亂之後廟貌服
物盡失其故畢力修舉復還舊觀子一訥
五十七代奉祀孫

訥

字言伯魁梧厚重寡言笑篤學恭謹明洪武十六

年皇后崩入臨送塋遣尙書劉仲質勞問將俸襲爵

以居喪辭乃止十七年既除服正月朝京師帝命禮官卜曰受爵乃以二月庚午受封是日百僚班列勅禮官以教坊樂導送至大學學官率諸生二千餘人迎成賢街觀者如堵明日入謝復賜襲衣宴於禮部又明日釋奠於大學以拜命告恩禮之加古未有也初衍聖公入朝班亞丞相及定制革丞相官令衍聖公班文臣首賜諾以織文玉軸與一品同遂爲故事二十年詔修闕里孔子廟諭工部侍郎秦達曰春秋時人紀廢壞孔子以至聖之資刪述六經使先王之道晦而復明萬世永賴功莫大焉夫食粟則思樹藝

聖廟元典考

卷八 附錄 孔子後代考略

五九

之先衣帛則思蠶織之始皆重其所從出也孔子之功與天地並立故朕命天下通祀以致崇報之意而闕里先師降神之地廟宇廢而不修將何以妥神祇昭來世爾工部其卽爲修理以副朕懷建文二年訥卒子四公鑑公鐸公鈞公鑑

五十八代奉祀孫

公鑑 幼以考聞建文二年襲爵四年春燕王取曲阜

夏四月公鑑卒年二十三遺孤一始二歲燕世子高

熾命名曰彥縉字之曰朝紳

五十九代奉祀孫

彥縉 幼孤恪遵母胡太夫人教熟習禮儀端重如成人永樂四年賜衍聖公家滋陽縣田七十三頃八年縉十歲詔襲爵入朝名見中禮帝喜曰真聖人裔也洪熙元年賜第京師東安門北縉篤志讀書將市書福建咨禮部部臣以聞奉旨市與之景泰元年幸大學縉率三氏子弟觀禮賜坐羹倫堂三年賜三臺銀印玉帶織金麒麟衣六年卒年五十有六子四承慶承吉承澤承源慶早卒遺孤二宏緒甫八歲宏泰甫五歲詔以宏緒襲爵

六十年代嗣孫

聖廟祀典考

卷八 附錄 孔子後代考略

六

承慶 未襲爵年三十一卒子二宏緒宏泰

六十一代奉祀孫二

宏緒 宏泰 景泰六年族人因宏緒幼弱侵侮之祖妾江氏訴於朝命少詹事孔公恂理家事十二年驛召至京襲封衍聖公陛見之日帝見其尚垂髫特命宮人卽廡下別之俾歸遺其母王太夫人親賜玉帶又賜金章曰謹禮崇德簡教授一人課其學又降旨戒族人共加保護敢有挾長恃強欺凌受害者許具實以聞特封其庶祖母汀氏爲夫人英宗復辟人賀朝見便殿帝握其手置膝上語良久賜白金文綺間

其舊賜第湫隘改賜大第太僕寺街至今如舊衍聖公入京則居空則借于親族之爲京官者居宏緒少貴多過舉成化五年以宮室踰制被劾奪爵弟宏泰襲爵詔入朝訓之曰惟學可以希聖惟德可以繩先爾尚進學修德統率族人以副朕懷十六年詔過孔子廟者毋騎增廣闕里孔子廟制宏治十二年六月甲辰夜大雷雨廟災宏緒率族人奔救素服哭於廟蔬食百日如居喪禮宏泰在朝奔歸引咎乞休弗許七月遣官慰孔子十三年興廟工十六年五月宏泰卒子一聞詩特蔭五經博士世爵仍歸宏緒之子十

聖廟祀典考

卷八 附錄 孔子後代考略

空

七年二月宏緒卒子二聞韶聞禮

六十二代奉祀孫

聞韶 宏治十六年襲爵勅修衍聖公府第加孔氏世

襲太常寺博士一人翰林院五經博士一人十七年

正月廟成遣大學士李東陽祭告孔子是時闕里霖

雨降及祭期而霽禮成之後星月朗輝歌工舞佾奉

器執事之人下逮胥吏僕從誠敬懽暢見於顏色東

陽退而歎曰於戲人性之善豈不信哉夫自情蕩性

鑿之後雖積歲累月嚴刑法以驅之使入于聖賢之

域而不可得也及乎入聖人之鄉觀聖人之所居與

其子孫族姘見其禮聞其樂而因以想像其形容矜然之間怠心與躁心釋而不自覺蓋凡卑且賤者皆然而士大夫之貴而賢者不待論也然則天理之在人心曷嘗一日亡哉正德三年山東盜起聞韶奏請盡免孔氏稅糧詔允行四年孔承章等奏許聞韶選舉世職知縣有私以詞虛譴責承章等復辨帝怒責戍廣西賜聞韶璽書令約束族人勅曰我大祖高皇帝崇爾祖之道卽位之初首命訪求大宗之裔襲封衍聖公繼又擇其支裔之良者授曲阜縣知縣世守其職著在令典累朝遵行茲惟我國家之盛事非獨

聖廟祀典考

卷八 附錄 孔子後代考略

六十二

爾一家之榮也近者曲阜缺知縣爾及族長舉事人等遵故事共舉一人而族人孔承章承周乃懷狹私讐越關赴京連名奏訐該吏部參酌覆奏別用一人以承章等所奏多虛薄示罪責顧潛任京師復謀奏擾緝事衙門發其事遂命錦衣衛鎮撫司究問本當照依榜例處治但念先聖子孫免枷號決打俱發戍廣西邊衛夫先聖之道垂憲萬世朝廷用之以爲治天下之法在爾輩守之則爲治家之法承章等首開訟端毀誣宗子以朝廷名爵爲私家爭奪之具是先聖不肖子孫也遷發遠方小懲大戒正用先師家法

爲之教不肖子孫耳先聖嘗言其身正不令而行聞詔尙佩服家訓進學修德與族長舉事管理族人讀書循理以稱朝廷崇重至意今後再有恃強挾長朋謀脅制不守家法爲聖門之玷者爾卽指名具奏國典具存必不輕恕六年三月薊盜劉六劉七突入曲阜縣城焚官衙民居殺掠男婦縣治爲墟復移營犯闕里秣馬於庭汗書於地殘毀祭器任一女流入泗水縣界此明流寇之始也初魯歸楚改縣至秦屬薛郡至隋復改曲阜城池環闕里歷代因之比古魯城微小而治不移宋真宗祥符五年改名仙源移治

聖廟祀典考

卷八 附錄 孔子後代考略

六三

壽邱以衛少昊瑩而闕里孔子廟始居城外至是被寇僉事潘珍奏請移城護廟得旨報可興城工兼修闕里孔子廟嘉靖元年六月廟工竣縣城成卽今曲阜縣仍復魯縣之舊矣八年十二月鑑作九年更定孔子

廟祀典尊孔子曰至聖先師去王號及大成文宣之稱四配稱復聖顏子宗聖曾子述聖子思子亞聖孟子十哲以下凡及門弟子皆稱先賢稱子左邱明以下稱先儒稱氏先儒亦稱子惟崇聖祠配享從祀乃稱氏也增祀者四人

罷祀者二十八人二十五年聞韶卒子二貞幹貞甯

六十三代奉祀孫

貞幹 襲封衍聖公三十五年入朝卒于京邸子一尚賢

六十四代奉祀孫

尚賢 字象之十四歲襲封衍聖公巡撫丁以忠上言尚賢冲年宜如故衍聖公宏緒例肄業國學詔從之尚賢邃於學嘗語人曰人之心體本自湛然習氣蒙之憧擾四出惟以明還明朗若初體則學之能事畢矣外而事業千流萬派總發源於此隆慶三年賜敕尚賢約束族人舉賢德繩不率萬曆七年詔衍聖公自賀萬壽節外無常朝十五年改三氏學爲四氏學

聖廟祀典考

卷八 附錄 孔子後代考略

六十四

增以曾氏之在嘉祥者從巡按御史毛在之請也二

十年巡按御史何出光建聖蹟殿在寢殿後立石刻聖蹟

圖百有二十邵以仁記之二十一年賜衍聖公世子

衍椿衍桂二品冠服天啟元年定孔氏裔鄉試編耳

字號十一月尚賢朝京師病於賜第壽七十有八子

二皆殤以從姪衍植承嗣辛酉日卒衍植襲爵孔氏

自端友南渡後闕里主尊者次遂紊思晦立而嫡封

始正然其子克堅仕於朝失奉祀之義矣明太祖優

禮聖裔爵以上公而待以上賓不煩以庶政能得漢

高帝封奉祠君之遺意聖人復起無以易此矣

六十五代奉祀孫

衍植 初名允植字懋甲衍聖公聞韶次支曾孫五經
博士貞甯之孫監生尙坦之次子也幼孤事母孝稱
於宗族由五經博士襲封衍聖公拜命之後益自謹
惕虔恭廟祀輯睦宗族屯田戶屬皆蒙恩恤始以抄
本家譜刊印分諸孔俾支派井然覬冒者無敢竄入
定六十六代以下輩次十字曰興毓傳繼廣昭憲慶
繁祥既而本生祖父母本生父母胞兄皆贈爵衍植
建祠汶上縣加太子太保晉太子太傅崇禎十五年
大饑奏請免糧稅又出己資糴穀救民賊圍曲阜登

聖廟祀典考

卷八 附錄 孔子後代考略

六十五

城勸諭賊首姚姓感泣率眾羅拜而去十七年流賊
李自成破燕京帝殉社稷今稱莊烈帝

大清世祖章皇帝順治元年定鼎燕京

頒登極恩詔仍以曲阜縣屬兗州府山東巡撫方大猷奏先
師孔子為萬世道統之宗

本朝開國之初禮應

敕禮官崇祀復衍聖公及四氏翰博等封奏

奏見卷二奏議

世祖章皇帝曰先聖為萬世道統之宗本內所開各款俱應
相沿期於優渥以成盛典經禮臣議覆得

旨允行衍植既遵薙髮禮乘傳入覲

上遣官迎勞于邸第給餼廩

陛見班列閣臣上

賜茶及宴比前代之禮有加四年衍植卒於闕里子一興燮

六十六代奉祀孫

興燮 順治五年襲封衍聖公生十三歲矣七年晉太

子太保八年

遣官詣闕里祭告孔子興燮陪位晉興燮少保兼太子太保

康熙六年卒燮早孤生母陶氏育之既長事陶盡孝

惜享年之不永幸有嗣子二毓圻襲爵毓埏襲翰林

院五經博士當興燮之世孔氏南宗嫡裔准增襲翰

聖廟祀典考

卷八 附錄 孔子後代考略

本十六

林院五經博士一人隨衍聖公入京陪祀

六十七代奉祀孫

毓圻 字鍾在幼敦厚長好學親賢工畫蘭別號蘭堂

康熙六年十三歲襲衍聖公

聖祖仁皇帝親政圻入覲

召見瀛臺奏對稱

旨進退禮度悉如成人

上為嘉悅

特遣官詣闕里祭告孔子八年

聖祖臨雍釋奠毓圻應

召率博士族人等入京陪祀禮成

昭聖太皇太后召見宮中

賜之坐

垂問世家及父爨得病之由毓圻具以對

命宮人賜茶

懿旨命內臣送至宮門外諭從官善輔翼之

上嘗御殿毓圻隨諸大臣朝參及退

特命由御道出毓圻遂巡辭

上敦諭乃趨出

兩宮眷顧之隆古今所罕有也十四年晉太子少師二十三

聖廟祀典考

卷八 附錄 孔子後代考略

六十七

年

聖祖南巡十一月還

幸闕里毓圻率象迎

駕駐蹕曲阜城外以示體恤已郊

聖祖親釋奠孔子毓圻率各博士及族人同巡撫司道等官

皆陪位

命內閣學士麻爾圖等分獻四配十哲及兩廡從祀賢儒國

子監祭酒阿瑚祭告啟聖祠祭禮畢

御詩禮堂講筵隨從諸臣巡撫司道衍聖公及各博士族人

皆入堂聽講班旣定傳

特旨兗州府知府張鵬翻爲官清正亦准聽講監生孔尙任
進講大學首節舉人孔尙鉉進講易繫辭首節講畢
敕大學士王熙宣

諭毓圻等曰至聖之道與日月並明與天地同運萬世帝王
咸所師法下逮公卿士庶罔不率由爾等遠承聖澤
世守家傳務期型仁講義履中蹈和存忠恕以立心
敦孝弟以修行斯須弗去以奉先訓以副朕懷爾等
其祇遵毋替宣畢毓圻率族人叩謝又

諭曰至聖之德與天地日月同其高明廣大無可指稱朕向
來研求經義體思至道欲贊頌莫能名言特書萬世

聖廟祀典考

卷八 附錄 孔子後代考略

李八

師表四字懸額殿中非云闡揚聖教亦以垂示將來
歷來帝王致祀闕里或留金銀器皿今親詣行禮務
極尊崇異於前代所有曲柄黃蓋留之廟中以示朕
尊聖之意毓圻復率族人叩謝

上命侍衛官汲顏母井水飲之羣臣次第飲

諭曰此水與尼山之文源相通故甘旋

駕幸孔林行一跪三拜禮酌酒畢覽端木子貢築室處及于

楷徘徊久之是年

頌

御書萬世師表額於各學闕里二十五年

聖廟碑文及孔子顏曾思孟四子贊勒石於闕里二十八年毓圻奏請重修祖廟

正光之發祭興工有踰舊制又以曲阜邑小而民貧白於巡撫河督奏准免魯民兩河夫役之征三十二年冬重修闕里孔子廟成

遣皇三子詣闕里祭告

康熙六十一年十一月

聖祖仁皇帝升遐

世宗憲皇帝登極毓圻接

詔後奔赴京師雍正元年夏四月

聖廟祀典考

卷八

附錄

孔子後代考略

六十九

特典追封孔子之先五代王爵

遣官詣闕里祭告十月毓圻入

朝謝得疾卒於邸第年六十有七

世宗震悼

遣內大臣至第奠茶酒

賜諡恭愍

諭大學士會同禮臣議卹典

命三品以上漢官會弔會送柩歸之日

特命皇三子至第奠茶酒世子傳鐸力辭

皇三子曰

旨命光三年

賜諭書欽承聖緒四字五年

頒

御書生民未有額選曲阜縣樂舞生一百五十名令學政酌取四名入學充附因傳鐸請也七年

賜人臣儆心錄

聖祖御製文集詩經春秋傳說彙纂周易折中性理精義朱子全書資治通鑑綱目古今圖書集成歷代紀事年表四朝詩全唐詩律歷淵源音韻闡微萬言廣訓

御製朋黨論周易本義周易義例啟蒙附論日講四書易經

聖廟祀典考

卷八 附錄 孔子後代考略

七十一

書經解義性理大全淵鑑類函繹史佩文韻府凡二十七種俾藏闕里八年廟工成九年

詔修孔林仍

命傳鐸監理鐸力疾督工復開館纂修闕里盛典以紀

朝廷重道崇儒之至意十三年夏鐸卒壽六十三子六

繼漢二品冠服繼溥襲博士繼洞正一品廕生官至

兵備道第五子廣彬官龍安府繼汾舉人官主事著

闕里文獻考進呈繼涑舉人官中書舍人

六十九代嗣孫

繼漢 二品冠服年二十三卒贈衍聖公子二廣康廣

杵

七十代奉祀孫

廣棨 雍正二年以嫡長孫授二品官服始十二齡卽

嫺禮儀嘗隨祖父入覲九年襲衍聖公十年八月以

林工告竣率族人入謝

世宗以廣棨襲爵後始備見

詔大學士會同禮臣議

召見儀

上御圓明園正大光明殿禮部堂官引廣棨由出入賢良左

門入

聖廟祀典考

卷八 附錄 孔子後代考略

七十一

上命坐賜茶

諭廣棨曰

至聖先師後裔當存聖賢之心行聖賢之事一切秉禮守

義以驕奢爲戒且爾年齒尙少尤宜勤慎讀書敦品

勵行不但爾一人凡爾同族之人皆當共相砥礪爲

端人正士爾等果能遵朕訓諭學問日進品行純謹

不墜家聲卽所以報國棨頓首謝出

賜御銘松花石硯一方蟒錦緞七疋仍依舊典宴於禮部十

三年夏居祖父喪哀戚盡禮

高宗純皇帝乾隆元年大成殿用黃瓦崇聖殿用綠瓦二年

初行耕藉禮成廣祭獻

親耕藉田頌

視學大禮慶成賦各一篇四年秋入賀

萬壽會開

經筵

特令入班聽講六年以曲阜世職知縣孔毓琚不職列狀上告毓琚亦許以數事

上原廣祭而毓琚抵罪既而

命曲阜知縣改歸異姓選補裁去世職復因雍正八年

特旨增設闕里聖廟世襲執事官四十員自三品至九品惟

聖廟祀典考

卷八 附錄 孔子後代考略

七十三

少六品遂以現任知縣授爲世襲六品官歲給俸銀
遇有缺出著衍聖公照前各執事官例揀選題補八
年

欽定聖廟樂章頌至闕里廣祭卒年三十一子一昭煥

七十一代奉祀孫

昭煥 乾隆九年由二品冠服襲衍聖公十三年春

高宗東巡二月戊寅

幸曲阜先

詣廟拈香已知

親釋奠於

先師四配十二哲兩廡及崇聖祠

道官分獻畢

御詩禮堂講筵舉人孔繼汾進講中庸戶為天下國家有九
經一節優貢生孔繼源進講周易陳卦象辭隨從諸
臣巡撫司道銜聖公各博士及十三氏子孫皆入講
禮堂聽講講畢

勅大學士傅恒宣

諭昭煥等曰至聖之道參天地贊化育立人極為萬世師表
凡茲後裔派衍支繁當永念先型以期無忝昔我

皇祖東巡時邁闕里特頒

聖廟祀典考

卷八 附錄 孔子後代考略

聖諭炳若日星朕仰紹

前徽虔修展謁之禮念爾等令緒相承淵源勿替載申誥諭
用示訓行其務學道敦倫修身慎行克稟

先師之爰訓祇遵

聖祖之謨言弗愧為聖者之子孫朕實嘉予之其欽承毋怠
宣畢遂

幸孔林酬酒旋

詣少昊陵致祭周公廟拈香

上還行宮

賜十三氏子孫宴

遵例以曲柄黃織留於廟中永光秩祀

詔東省本年錢糧見己普免曲阜泰安歷城爲鑾輿駐蹕之所將次年地丁錢糧全行蠲免廣山東通省入學額數大學三名中學二名小學一名又

諭學臣拔十三氏子孫有文學可觀讀書立品者貢入成均以示鼓勵

賜昭煥貂裘蟒服表裏經史授繼汾內閣中書舍人

賜賚聖賢後裔如康熙二十三年故事凡十三氏子孫有職者皆加一級進士舉人各增賞銀十兩貢監生員各銀五兩又

聖廟祀典考

卷八 附錄 孔子後代考略

七五

特諭昭煥曰先師修道立教天下萬世之人服習聖訓咸有以自善其身况其爲子孫者乎卿以宗裔奉祀紹封列爵旣優崇矣當思淵源何自夙夜敬勉親師向學以植始基慎行謹言以培德器循循詩禮之教異日卓然有成就允孚令望表率族黨俾當世知聖人之後能守家傳於勿替非徒章服之榮已也豈不休哉其祇遵罔斁以顏曾思孟四賢贊勒石於廟中

高宗純皇帝乾隆間七次南巡十四年十六年二十二年二十七年三十一年四十五年

四次
九年 三次遣官祭告闕里四次

詣闕里聖廟聖林行禮二十一年二月東巡本年并上十三年及三十六年

四十一
五年凡五次 俱

詣聖廟聖林行禮四十七年昭煥卒年四十八子五憲培襲爵憲增襲翰林院五經博士馳封衍聖公憲圭四氏學教授憲均襲六品官憲堃由恩貢生官直隸州州判昭煥之世

册立中宮上

皇太后徽號

皇太后六旬七旬八旬萬壽加上徽號

皇帝七旬萬壽皆遣官祭闕里

七十二代奉祀孫

聖廟祀典考

卷八 附錄 孔子後代考略

七六

憲培 乾隆四十八年由二品冠服襲衍聖公五十二年再逢

高宗臨雍釋奠憲培率各姓博士族人等入京陪祀

恩禮如例復定陪祀之武生俊秀子弟奉祀生均准作監生

增定陪祀聖裔曲阜五人衢州二人元聖裔山東東

野氏陝西姬氏各二人朱子裔安徽福建各一人

高宗尊師謁奠至闕里凡九承免曲阜縣城內地租並免稅

契以示體卹前朝所未有也五十八年憲培卒年三

十八無子育同母弟憲增子慶鏞爲嗣

七十三代奉祀孫

慶錄 乾隆五十九年襲衍聖公幼弱憲增代理家事
嘉慶元年二月丁祭暨三年

仁宗睿皇帝臨雍釋奠銘俱入京陪祀又五旬六旬萬壽俱
遣官祭闕里道光二年

宣宗臨雍釋奠銘入京陪祀禮如舊章

召見論以敦宗睦族二十一年慶銘卒年五十五子一繁灝
七十四代奉祀孫

繁灝 嘉慶間授二品官服道光二十一年襲衍聖公
二十八年林廟百戶劉永振等盜砍林樹被勝陽戶
孔氏舉貢等京控劉永振充軍遇赦不赦繁灝失察

聖廟祀典考

卷八 附錄 孔子後代考略

革職留任八年無過方准開復從寬典也

文宗顯皇帝登極為咸豐元年

恩詔開復繁灝爵三年

文宗躬詣大學行禮旋行

臨雍釋奠禮繁灝率十三姓博士族人等入京陪祀繁灝加
太子大保衛奏孔姓輩次十字已畢奉

旨祥字後著以合德維垂佑欽紹念顯揚十字續之十一年

七月

文宗顯皇帝崩於避暑山莊十月

皇帝登極詔明年改元

皇太后垂簾禮成始定明年改元同治遣官祭告闕里同治

元年九月

文宗顯皇帝梓宮奉移山陵繁瀨奔赴叩送中道得疾力疾

至京卒於衍聖公邸第

命大學士倭仁至第奠茶酒

賜諡端懋

賞銀祭葬復加銀千兩治喪繁瀨子三祥璣正一品廕生祥

珂二品冠服祥璣正一品廕生璣長庶出珂次嫡出

也爲公世子

七十五代奉祀孫

聖廟祀典考

卷八 附錄 孔子後代考略

七十八

祥珂 二品冠服同治二年襲衍聖公三年克復江南

禮部請

旨遣官祭告闕里祥璣陪位具摺謝

恩冬十月

上諭給事中王憲成奏山東曲阜縣

聖廟請飭敬謹重修並各直省學宮請飭一體勘修一摺

山東曲阜縣

聖廟爲

先師孔子舊里各直省學宮均爲教育人材之地自當隨

時修葺以肅觀瞻着閩敬銘會同衍聖公孔祥珂卽

詣曲阜縣將應修各工敬謹勘估次第與辦餘均照所擬辦理其各直省

文廟並着各督撫通飭所屬敬謹查勘有無應修要工一並妥籌辦理用副朝廷崇儒重道至意欽此是時祥珂公闕里主鬯生年十有七矣

述曰史記孔子世家止於孔驪以其爲安國之孫也然安國非闕里主鬯略主鬯而詳旁支失立世家之本意矣此考始自泗水侯伯魚子至於今衍聖公祥珂編年論世歷代尊崇之禮無不詳專以世守林廟主鬯於闕里者爲斷旁支雖貴且賢亦從略焉夫闕里主鬯之隆汙不惟可驗世道人心之邪正且有關上下內外之安危考諸古徵諸今歷歷不爽也稿定於同治三年上元甲子卽以是年止我

朝褒崇舊典備矣敬俟我

皇上親政之年衍聖公等恭逢

臨雍盛典 曉如 雖老請執冊濡筆以續之

聖廟祀典考

卷八 附錄 孔子後代考略

孟子年譜考略

原本有孟子聖迹圖今不用圖只照原注參以網目聚考味根錄摭餘說等書改爲年譜考略

己酉周烈王四年四月二日孟子生

孟氏魯公族孟孫之後也居魯之鄒邑父激公宜名彥璞母仇氏仇音蔣夢神人乘雲攀龍鳳自泰山來將

止於嶧凝視久之忽見片雲墜而寤時里巷皆見五色雲覆孟氏居而孟子生焉名軻字子輿一字子車

孟氏譜於周赧王二十六年卒年八十有四由後逆溯當生此年距孔子生一百八十一年距孔子卒一百零七年與孟子由孔子而來至於今百有餘歲合

聖廟祀典考

卷八 附錄 孟子年譜考略

按鄒本魯下邑孔子生魯昌平鄉陬邑論語作鄒左傳作聊至魯穆公改爲鄒是孟子所居之鄒卽孔子所生之陬孟子故居在鄒縣南門外有斷機堂與昌平鄉僅二三十里故曰近聖人之居若此其甚也邾子之國亦改爲鄒故孟子自齊葬於魯不云葬於鄒者恐鄒邑鄒國後人失考耳

辛亥周烈王六年

魏侯罃元年

孟子三歲

孟子三歲而孤母賢而有德始舍近墓孟子嬉戲爲

築埋次舍近市又嬉戲爲商賈二遷學宮之旁乃嬉

戲設俎豆學揖讓進退母氏喜遂居之

贊賢哉孟母教子義方三遷擇里學宮之旁嬉戲禮儀乃設俎豆進退雍容異乎羣流

乙卯周顯王二年魏侯罃四年孟子七歲

孟子少長就學而歸母方織問學所至曰自若也母引刀斷織曰子之廢學若吾斷斯織也孟子懼勤學不息遂成大賢

贊愛子之心天地同極視學無成以刀斷織勉之至矣勵之以嚴勤學不息遂成大賢

魏使公子景賈伐鄭顯王元年韓改國號曰鄭及韓明戰於鄭魏

師敗績此魏侯好戰之始

聖廟祀典考

卷六 附錄 孟子年譜考略

丙辰周顯王四年梁侯罃六年孟子八歲

魏徙大梁即今祥符縣改國號曰梁梁伐宋取儀臺

丁巳周顯王五年梁侯罃七年孟子九歲

趙師梁師鄭師及秦戰於石門秦大破之 趙改國

號曰邯鄲

戊午周顯王六年梁侯罃八年孟子十歲

梁伐邯鄲取列人 又伐邯鄲取肥 又敗鄭及邯

鄲之師取皮牢 國策甘茂言梁君伐楚勝齊制韓

趙之兵蘓秦言魏君擁土千里帶甲二十六萬恃其

強而攻邯鄲從十二諸侯朝天子以西謀秦即此

己未周顯王七年梁侯爵九年孟子十一歲

秦敗梁師於少梁虜公叔痤既而釋之

癸亥周顯王十一年梁侯爵十二年孟子十五歲

孟子受業於子思之門問牧民之道何先曰先利之
孟子曰君子之所以教民者亦仁義而已矣何必曰
利子思曰仁義者固所以利之也上不仁則下不得
其所上不義則下樂為亂故易曰利者義之和也又
曰利用安身以崇德也孔叢子
贊堯舜禹湯文武周孔曾思孟軻道傳一統以利牧
民推行仁義言固殊途理同一致

聖廟祀典考

卷八 附錄 孟子年譜考略

按子思於孔子卒時年已十四歲孟子生距孔子卒
一百零七年是孟子生時子思已百有二十一歲聞
國朝有古稀再慶之人且上古帝王屢有百餘歲者程
子於中庸以為孔門傳授心法子思恐其久而差也
故筆之於書以授孟子史記作孟子授業於子思之
門人輔廣曰子思之門人無有顯名於世者而孟子
真得子思之傳疑親授受索隱王劭趙岐孔叢子皆
以人為衍字是皆以孟子親受業於子思也未知孰
是綱目於顯王二十三年後今錄載子思與衛侯論用人
之事後今錄古人十五而入大學故附於此

戊辰周顯王十六年梁侯營孟子二十歲

前年梁圍邯鄲齊田忌伐梁以救邯鄲梁克邯鄲師還與齊師戰於桂陵梁師大敗

庚午周顯王十八年梁侯營孟子二十二歲

梁與秦會於彤梁與秦安邑以和 梁及邯鄲蕭侯遇於晉陰 梁伐齊入陽關 邯鄲伐齊取高唐

齊敗梁師於濁澤 梁與齊觀邯鄲與齊長城以和

甲戌周顯王二十二年梁侯營孟子二十六歲

梁孫何侵楚入三戶鄆 次年梁魏章帥師及鄭師伐楚取上蔡 孫何取滎陽

聖廟祀典考

卷八 附錄 孟子年譜考略

乙亥周顯王二十三年梁侯營孟子二十七歲

綱目初子思言於衛侯曰夫聖人之官人猶匠人之用木也取其所長棄其所短故杞梓連抱之材而有數尺之朽良工不棄今君既取爪牙之士而以二卵棄干城之將此不可使聞於隣國也

己卯周顯王廿七年梁侯營孟子三十一歲

梁與秦戰於岸門秦虜其將魏錯

庚辰周顯王廿八年梁侯營孟子三十二歲

魏世家龐涓伐趙趙請救於齊齊使田忌將兵孫子為師直走魏都涓聞去趙而歸魏魏人亦大發兵使

太子申將以禦齊孫子為滅灶之法要之馬陵殺龐涓虜太子申覆其軍十萬此所謂東敗於齊長子死焉者也

按孟子曰梁惠王以土地之故糜亂其民而戰之大

敗即上十六年桂陵事將復之恐不能勝又驅其所愛子弟以

殉之集注子弟謂太子申也前伐趙大敗於桂陵今

又令太子申為上將軍以伐趙惟其為趙也故曰復

惟其在桂陵大敗之後故曰大敗將復之

丙戌周顯王三十四年梁惠王三十六年改為一年孟子三十八歲

齊侯梁侯會諸侯於徐州同僭稱王

戊子周顯王三十六年梁惠王後元三年孟子四十歲

聖廟祀典考

卷八 附錄 孟子年譜考略

二十四

邯鄲復國號曰趙以燕秦為從約長合六國以擯秦

按撫餘說謂魯擊柝聞於邾邾魯相距七十餘里戰

國時邾已改為鄒孟子之遊當自鄒國始云蓋孟子

前四十年在魯講學不見諸侯因魯鄒接壤遂遊鄒

曹交聞人皆可以為堯舜欲見鄒君而假館時鄒與

魯鬪有答鄒穆公語趙注曹交曹君之弟此時曹亡

亡久不可從武王封曹挾於邾邾本曹姓茲邾改為

鄒則曹交固鄒君族也魯哀公八年曹滅於宋

己丑周顯王三十七年齊宣王元年孟子四十一歲

燕秦奔燕從約解梁以陰晉改名請和於秦梁先敗於秦

禍受

孟子居鄒季任為任處守以幣交受之而不報他日

由鄒之任見季子

按任近濟在今濟甯州東任城即廢縣距古鄒城僅百二三十里

由任之平陸見孔距心時儲子為相以幣交受之而

而不報平陸邊邑在齊南魯北汶水上齊魯之界以

汶分孟子謂臣始至於境即此

按平陸孔子時為中都地爾時屬齊即今

汶上縣在兗州府西北九十里距齊都臨淄尚六十里

由平陸之齊不見儲子

亦不見齊王王使人矚之欲朝王辭以疾明日出弔

於東郭氏故陳代萬章有不見諸侯之間於是齊宣

王館孟子於雪宮而就見之孟子亦見王於崇自後

聖廟祀典考

卷八 附錄 孟季年叢考略

六十五

多與宣王問答語故公孫丑有夫子當路於齊夫子

加齊之卿相之間既而王有賓師之命而孟子不受

祿在齊約四五年宣王不能用乃去齊王餽兼金百

鎰而不受故充虞於路有不豫色之間公孫丑於休

有不受祿之間遂之宋

按休據路史在潁川屬宋境此去齊之宋之明証故前二

章斷為前去齊之語

按史稱孟軻前後兩至齊中間適魏前至齊當在顯

王三十七年亡丑至四十五年丁酉九年之間蓋公

孫丑問夫子加齊之卿相而曰我四十不動心知其

為四十歲以後之言也充虞問夫子若有不豫色然

而曰由周而來七百有餘歲知其爲八百歲以前之言也武王有天下歲在己卯至顯王丁酉未滿八百年也其去齊之宋由宋之薛以陳臻問饋知之也去薛反鄒以然友之鄒然友復之鄒知之也合之不過一二年耳

癸巳周顯王四十一年 梁惠王後元八年 孟子四十五歲

初庚寅秦次梁梁使龍賈禦之戰於彫陰梁師敗績秦遂按曲沃

辛卯梁予秦河西之地而秦東地至河矣 秦圍梁焦曲沃 壬辰梁伐楚取陘山 楚威王卒子懷王立魏乘喪而伐之也

聖廟祀典考

卷八 附錄 孟字年譜考略

梁王及秦君會於應獻焦邑於秦 秦渡河取汾陰皮氏

是年癸巳秦公子桑圍梁蒲陽降之梁盡入上郡十五縣之地於秦 自己丑以下四五年間梁屢獻地於秦所謂西喪地於秦七百里者也

乙未周顯王四十三年 宋君偃三年 孟子四十七歲

孟子自休之宋有與宋勾踐論好遊語時滕文公爲世子將之楚過宋而見孟子自楚反復見孟子及去宋宋君偃餽金七十鎰而受於是去宋而之薛

孟子在薛時有戒備不虞之心薛君故爲兵餽之受五十鎰邪卿謂時有惡人欲害孟子殆如桓魋如孔

子之類當時實有戒心故曰聞戒於是去薛而反鄒
丁酉周顯王四十五年梁惠王後元十二年孟子四十九歲

楚昭陽敗梁於襄陵取八城 初壬辰楚威王卒魏

乘喪伐之取陘山楚使景鯉如秦聲言將與秦遇謀

報梁也魏營好戰秦難未已復與楚仇至後元十二

年丁酉楚昭陽敗梁襄陵卒見挫焉所謂南辱於楚也朱子集註亦

以此為証

滕定公卒世子使然友之鄒問於孟子定行三年之
喪五月居廬及葬後以禮聘孟子孟子之滕館於上
宮有答文公問為國答畢戰問井地及闢許行語

聖廟祀典考

卷八 附錄 孟子年譜考略

八七

禮諸侯君薨稱子故曰至於子之身而反之改葬亦
稱子故曰子方行之至踰年改元然後兩稱為君曰
君於彼何哉君請擇於斯二者則孟子之在滕亦有
年矣

戊戌周顯王四十六年齊宣王十年孟子五十歲

四月齊滅薛封其弟田嬰於薛號郭靖君戰國策載

郭靖君將築薛矣以客海大魚之諫乃輟城且將之

為辭事未定也薛在今滕縣之南虎牢城而鄭懼東

陽城而萊服文公焉得而不恐哉有答文公齊人將

築薛語及事大國語

庚子周顯王四十八年齊宣王十二年孟子五十二歲

薛公田嬰以文為太子嬰卒文代立於薛稱孟嘗君
遂城薛季氏事跡圖亦謂築薛在是年

辛丑周慎靚王元年梁惠王後元十六年孟子五十三歲

梁招天下賢者孟子至梁當是時井制壞學制亦壞
滕行王政而許行之流卽至若非文公信之深行之
力孟子亦未能期年而告成者惜乎所與為善者僅
五十里耳于天下舉安之志固未逮焉於是孟子遂
去滕之梁據餘說孟子年五十三故惠王稱之曰叟自
滕至梁相距千里故曰不遠千里而來惜至不思奉

聖廟祀典考

卷八 附錄 孟子年譜考略

八十六

國以從猶皇皇焉唯利之問故有答利國盡心等章
贊惠王招賢卑禮厚幣富國強兵其志在利孟子見
之對曰仁義拔本塞源以救其弊

按史記稱惠王三十五年孟子至梁誤也若孟子於
三十五年始至梁三年卽去是未嘗南辱於楚卽喪
地於秦亦未至七百里之多也至襄王乃去則孟子
在梁十八年不應與問答止五章且道不行不應淹
滯之久且如其說齊人築薛時孟子在梁何緣有與
文公問答蓋史不知惠王有後十七年但屬諸襄王
之前二年故誤

惠王立沼上問賢者亦有此樂乎孟子對以賢者而後樂此一言之間理欲辨矣

贊遊觀之樂當同乎民鴻鴈麋鹿獨善其身沼上之對賢者後樂一言之微人欲以遏

秦樛里疾攻梁梁公孫衍禦之戰於岸門梁師敗績衍走秦取曲沃平周梁請張儀於秦復以爲相

壬寅周慎靚王二年

梁惠王後元十七年

孟子五十四歲

梁惠王卒子赫立是爲襄王有孟子見襄王問答語時張儀犀首相魏孟子未仕有與景春論大丈夫語與周霄論晉難仕語孟子去梁綱目上書魏瑩卒下

聖廟祀典考

卷八 附錄 孟子年譜考略

五十九

書孟軻去魏書法以爲譏在嗣君是也

孟子自范之齊范本晉大夫士會邑是孟子去梁適齊之所經也大梁臨淄相距千里故尹士曰千里而見王孟子亦曰千里而見王孟子先齊後梁由梁再至齊耳故是年爲孟子再至齊之年

癸卯周慎靚王三年

齊宣王十五年

孟子五十五歲

孟子爲卿於齊孟子前至齊未爲卿至復見齊王乃受卿祿髡曰夫子在三卿之中注但言齊大國有三卿而已大抵三卿指上卿亞卿下卿王驩以大夫攝卿行事取曰齊卿之位不爲小然驩實副使則列女

傳謂孟子去梁適齊齊王以爲上卿者信也滕文公之喪也孟子與滕有舊自往弔之王尊禮孟子故使貴倖同行且或藉是行其窺伺之私耳

甲辰周慎覲王四年

齊宣王十六年

孟子五十六歲

孟子自齊葬於魯

孟子魯之鄒邑人不云葬於鄒者以其時邾國亦改爲鄒恐後人失

考直書葬魯者亦以明魯爲父母之邦也戰國遊仕多家於寄以孟母娶

婦孟子孤兒出必偕出處必偕處故列女傳云孟子

處齊有憂色當楹而嘆孟母見之則是孟母與孟子

同在齊矣至是而母歿於齊孟子去官爲親行服自

齊歸葬於魯即在魯居喪三年復反於齊與充虞論

聖廟祀典考

卷八

附錄

孟子年譜考略

九十

匠事於止齋之日也

孟子外書四篇內有孟母之喪樂正克治儀公孫丑治客陳臻

治貨公都或治饌陳代治牲克虞治木咸邱蒙治器

丁未周赧王元年

齊宣王十九年

孟子五十九歲

齊人伐燕勝之取之孟子有答齊宣王語有辨沈同

問伐燕語越二年燕人畔燕噲讓國於子之三年國

大亂故曰今燕虐其民齊伐燕下燕七十餘城故爲

倍地趙召公子職立爲王所謂諸侯將謀救燕也

己酉周赧王三年

齊宣王廿一年

孟子六十一歲

燕人立太子平爲王是爲昭王此卽燕人畔也有王

慚於孟子及責陳賈語 王慚於孟子猶有悔心之

萌陳賈復寒之故孟子遂去齊

孟子致為臣而歸有辨時子欲富語辨髡名實語出宿於晝有答客留行語解尹士瀰滯語晝齊西南近邑孟子由齊西南而復之宋焉

聞宋君偃行王政復之宋遇宋牼於石邱有論秦楚構兵語 宋在齊之西南經是宋人石邱是宋地報王二年楚屈匄伐秦秦使庶長章擊之三年大敗楚師於丹陽遂取漢中楚復襲秦又大敗於藍田則是年孟子去齊復之宋此其明証

庚戌周赧王四年宋王偃十八年孟子六十二歲

聖廟祀典考

卷八 附錄 孟年譜考略

十一

孟子在宋有與萬章論行王政語與字盈論

薛居州語與戴盈之論什一去關市之征語聞魯使

樂正子為政喜而不寐遂歸魯慎子為將軍亦在

此時

宋君偃立十一年自稱王己歷八年故孟子來為宋

王嘗東伐齊南敗楚西取魏軍在位四十三年至赧

王二十九年齊楚魏約伐宋殺王偃滅之三分其地

辛亥周赧王五年魯平公五年孟子六十三歲

孟子在魯樂正子言於魯平公將見孟子而臧倉沮

之孟子有吾之不遇魯侯天也之歎故孟子之遊自

此而終不復傳食於諸侯矣 彭更之問卽在此時
孟子前去齊曰當今之世舍我其誰至是而知天卒
不欲平治天下也老更無所遇則吾之終於不遇也
豈非天哉春秋終獲麟孔子曰吾道窮矣然則滅倉
之沮其卽春秋獲麟之意也夫故孟子知道不行退
而與萬章之徒序詩書述仲尼之意作孟子七篇
贊氣象巖巖泰山巨鎮學本宣思道宗堯舜仁義七
篇以承三聖排斥異端擴發性善存理遏欲撥亂反
正扶植宏綱功與禹稱配食廟庭千載垂訓

乙丑周赧王十九年孟子七十七歲

聖廟祀典考

卷八 附錄 孟子年譜考略

九十二

是年魯平公卒子賈立是爲文公齊宣王卒子地立
是爲湣王魏襄王卒子遯立是爲昭王

壬申周赧王二十六年孟子八十四歲卒

十一月十五冬至日孟子卒鄒邑人廢賀冬之禮遂
以成俗通考據餘說正月十五日孟子卒周建子今之

十一月卽周之正月也妻田氏子仲子季子 孟子

之書是其自作其首尾文字一體筆勢如鎔鑄而成

非綴輯所就者建篇先梁者欲以仁義爲首篇也孟

子之年以七篇之文斷之孟子之遊亦以七篇之文

証之大抵前四十年居魯之鄒邑爲講學之時後二

十年退魯之鄒邑爲著書之日中間傳食諸侯止二
十三年事蹟耳蓋其遊也自鄒國始由鄒之任之
平陸之齊爲賓師自齊之宋之薛乃反鄒邑由鄒之
滕之梁由梁再之齊受卿祿及致爲臣而歸復之宋
而反魯遊歷遂終焉君薨然後稱謚魯平公齊宣王
梁襄王并卒於赧王之十九年孟子書皆稱謚孟子
卒於是年益信葬鄒邑四基山史記不詳歲月始終
宋景祐四年孔道輔守兗州得其墓於鄒縣東北二
十五里四基山之西麓卽墓而立廟焉今稱
孟林

聖廟祀典考

卷八 附錄 孟子年譜考略

九三

十五里四基山之西麓卽墓而立廟焉今稱
孟林

宋景祐四年孔道輔守兗州得其墓於鄒縣東北二

十五里四基山之西麓卽墓而立廟焉今稱
孟林

宋景祐四年孔道輔守兗州得其墓於鄒縣東北二

十五里四基山之西麓卽墓而立廟焉今稱
孟林

宋景祐四年孔道輔守兗州得其墓於鄒縣東北二

十五里四基山之西麓卽墓而立廟焉今稱
孟林

宋景祐四年孔道輔守兗州得其墓於鄒縣東北二

十五里四基山之西麓卽墓而立廟焉今稱
孟林

罷祀考

宋徽宗崇甯三年以王安石配享孔子發明云安石以天變不足畏祖宗不足法人言不足恤愚誑人主以春秋為斷爛不列於學官其欺天罔人莫此為甚擢髮不足以數其罪也政和三年追封王安石為舒王安石子雱為臨川伯從祀孔廟發明云安石邪僻小人王雱陰柔小子擬以春秋之法乃亂臣賊子之魁桀耳續通鑑綱目孝宗乾道四年將釋奠孔子大學錄魏掞之請廢安石父子勿祀不聽至戊戌五年罷王雱從祀使積年之故弊一旦渙然冰釋天理正

聖廟祀典考

卷八 附錄 罷祀考

九十四

而人欲消矣至靖康元年楊時論安石邪說淫辭遂罷安石配享降列從祀迨理宗辛丑元年曰安石天變不足畏云云實萬世之罪人豈宜從祀孔子其黜之俱綱是年

罷王安石從祀

元豐七年以荀况楊雄從祀孔廟廣義云荀况嘗曰亂天下者必孟子子思楊雄賦反離騷作美新以頌王莽是皆叛孔孟而反正道者也二子從祀不亦謬乎資治綱鑑迨

明太祖洪武二十九年從行人楊砥之請始

罷揚雄從祀

孝宗宏治元年詔議孔廟從祀禮科給事中張九功奏言孔子之道大同天地從祀諸賢豈容苟且如苟况馬融王弼皆所當黜少詹事程敏政上言聖王治天下以祀典爲重况孔子功德在萬世必文與行兼名與實副者可以從祀若戴聖身陷賊吏劉向喜談神仙馬融爲梁冀草詔殺李固何休解春秋直黜周王魯王弼何晏倡爲清談王肅佐司馬昭篡魏杜預爲吏不廉爲將不義得罪名教皆宜黜祀祭酒謝鐸謂吳澄出處不正當黜其祀上命廷臣議之學士吳

聖廟祀典考

卷八 附錄 罷祀考

九十五

寬言從祀諸儒有益於經傳馬融揚雄等昔皆不廢侍郎倪岳言馬融王弼之徒其立身不無可貶然秦漢以來賴諸子抱遺經專門講授經以復存唐之注疏多祖其言今之經傳尙多引用何可盡廢於是從祀諸賢咸仍其舊網鑑補肅宗嘉靖九年輔臣張璵請議正祀典始罷諸儒申黨等十餘人改林放等七人祀於鄉亦網鑑補其不載何晏

罷荀况也以况惡性而僞禮以孟子子思亂天下以子張子夏爲賤儒其

罷馬融也融初應鄧騭召爲秘書厯官南部以貪污

免髡徙朔方自刺不殊其教授前列生徒後羅女樂
爲梁冀草詔殺李固忠臣作西第頌美之其
罷王弼也以其倡爲清談其

罷戴聖也聖守九江治多不法懼何武見劾轉爲博
士毀武於廟及子賓客爲盜繫獄武平決得不死造
謝不慙汚而無恥其

罷劉向也向以獻賦進喜譏神仙方伎言黃金可成
鑄作不驗下吏當死所著洪範五行傳最爲舛駁實
爲左道之人其

罷何休也以休春秋解詁一書黜周王魯又著風角

聖廟祀典考

卷八 附錄 罷祀考

九十六

等書班之孝經論語其

罷王肅也肅世爲魏臣適女司馬昭昭篡勢成肅受
封蘭陵侯坐觀成敗及毋邱儉文欽起兵討賊又爲
司馬昭畫策以濟其惡其

罷杜預也預所著僅左傳經傳集解其守襄陽多遺
洛中貴要伐吳之際因斫瘿之譏盡殺江陵人得罪
名教其在此與其

罷吳澄也澄生於宋舉貢於宋受宋之恩如此其久
爲國子司業爲翰林學士歷元之官如此其榮直爲
名節掃地矣其

罷申黨也申黨卽申根又名績又名棠其實一人也
故去黨存根以正視謬其

罷公伯寮也以寮愬子路以阻孔子非弟子之列其
罷顏冉秦何也二人載於史記不載於家語其

罷賈逵也逵獻頌爲郎附會圖讖以致貴顯與劉向
皆爲左道之人至罷諸賢儒改祀於鄉者有

林放焉放雖嘗問禮家語史記邢昺注疏俱不載弟
子之列有

蘧伯玉焉司馬遷曰孔子於衛嚴事伯玉非及門之
士也及萬厯間國子監學錄張養蒙疏曰不見傳記

聖廟祀典考

卷八 附錄 罷祀考

九十七

而從祀者不止林放不及門而從祀者不止伯玉况
一採本超乎時尙一出處合乎聖人從祀正合聖意
也有

鄭衆盧植鄭康成服虔范甯五人者雖若無過然行
已著書皆未合於聖人之精微

以上甯化縣志不載王弼迨

國朝雍正二年顏冉秦何林放蘧伯玉鄭康成范甯等
俱復祀乾隆三年吳澄亦復祀

福建通志

未祀之門弟子考

孔子弟子十六人本隨見錄其祀而罷者有公伯寮疑字相類者有薛邦疑字相同者有申續餘十三人皆有可考者至文廟祀典考溯源有顏歆附考有樂正子春等二十二人孟子弟子十四人並錄之

公伯寮 字子周唐贈任伯宋贈壽張侯馬融曰寮魯人弟子也按公伯寮見史記弟子傳又見文翁禮殿圖必非無稽之言後儒以愬子路一事斷爲非聖人之徒而罷其祀似失之偏論語聖門六十人所記公是公非有過未嘗少隱卽宰我冉有陳亢過皆不免似未可以一眚而盡掩其生平也

薛邦 字子從司馬貞曰家語薛邦字從史記作國家

聖廟祀典考

卷八 附錄 未祀之門弟子考

九十八

語稱國者蓋避漢高祖諱而改鄭與薛字譌也聖門名同者多字同者尤多薛邦字子從鄭國字子徒何以名字相類而並疑姓氏之誤耶乃議祀典者封鄭而罷薛揆之於禮終有未安也

申續 字子周王應麟曰史記申棠字周家語申續字周今史記以棠爲黨家語以續爲續傳寫之誤也後漢王政碑曰有羔羊之潔無申棠之欲以棠振爲一人故耳棠續並字周未可疑爲一人如公西藏公西如輿同字子上未嘗不並祀何獨棠與續同字周竟不並祀乎

孺悲 按小戴記雜記恤由之喪哀公使孺悲之孔子
學士喪禮士喪禮於是乎書鄭康成注云士之喪禮
已廢孔子以教孺悲國人乃復書而存之惟因論語
記悲欲見孔子孔子辭以疾疑孔子樞之門墻之外
不屑教誨當知始見辭終授禮以親受禮於孔子
之儒反不得與配食之列斯亦祀典之闕矣

公罔之裘 序點 按二子從射於魯相之圃孔子之
使揚解而語見禮記射義家語言孔子觀鄉射退與
門人習射於矍相之圃是二子爲孔子弟子無疑也
孟懿子 仲孫何忌也諡曰懿魯公孫柎仲孫氏亦稱

聖廟祀典考

卷八

附錄

未祀之門弟子考

九十九

孟孫氏何忌生十四歲父億子卒遺命何忌與弟說
學禮於孔子既而魯昭公棄其國未命何忌嗣父職
故亦未暇受業焉魯定公元年始命何忌爲司空兼
司寇是時何忌二十二歲矣請命於君曰先臣有遺
命囑家老使二臣師事仲尼而學禮以定其位魯侯
許之事見家語此何忌在聖門爲弟子之確據其後
裔孟子大賢今稱亞聖在大成殿四配位受享而孟
懿子漏未從祀似宜補主且應比照顏曾之例以孟
懿子主設崇聖祠四配受享居第三位在伯魚子上
而移孟孫氏激主於崇聖祠從祀之首位以冠周程

張朱蔡五氏

南宮縚 字子容亦稱南容魯人慎行謹言嘗三復白圭孔子以兄女妻之見論語孔子命南宮之妻喪姑之鬢見禮記則容縚爲一人可知以論語書南容兩見書南宮适一見論之适容爲二人可知矣明夏洪基以南宮縚南宮适括字子容者爲一人仲孫閱說諡敬叔者爲一人孔氏闕里文獻考從之誤也從班氏漢書顏師古注始得之

見卷四南宮适注

此闕里述聞二人之說以從祀少一人爲憾事文廟祀典考引鄭環之說以師古注爲誤以南容一人而

聖廟祀典考

卷八 附錄 未祀之門弟子考

一百

有六名互見於經史或又謂韜與縚爲一人适與括爲一人閱與說爲一人其說更無據今以正音論之則韜縚古通适括古通閱說古通此由傳寫互異而六名止三名以轉音論之适乃說之轉音縚乃适之轉音而二名實止二名以其義論之則閱有見容之義韜有容藏之義适有包容之義皆與字子容義相合而三名實止一義以其行言之則邾有道不廢之南容何所據非尙德之南宮适其見逐也因富而得罪於定公與公冶長之非其罪正同特不宜載實而朝爲免於再逐地耳子以宮而不好禮警之卽循禮

施散而立改其過則一青之微何損於尚德之君子
且南容說仲孫何忌既除喪見於家語南宮縚之妻
之姑之喪見於檀弓而謂非卽以其兄之子妻之之
南宮敬叔可乎不如仍舊說之爲愈也

孔璇 家語孔璇叔仲會年相比俱執筆迭侍孔子孟
武伯見孔子而問曰此二孺子之幼也於學豈能識
於壯哉孔子曰然少成若天性習慣成自然也今會
既得祀而璇獨遺此亦祀典之缺也

惠叔蘭 衛司寇也家語載子游嘗從孔子適衛與將
軍子蘭相善使之受學於夫子司寇惠子之喪檀弓

聖廟祀典考

卷八 附錄 未祀之門弟子考

百〇一

文也鄭司農注云惠子衛將軍文子彌牟之弟惠叔
蘭也古今議弟子從祀者率本家語而孔璇惠叔蘭
獨遺之不當補其闕乎

常季 按莊子德充符篇常季問於仲尼曰王駘九者
也從之游者與夫子中分魯郭象注常季孔子弟子
子服景伯 名何魯大夫魯峻石室畫七十二子像有
子服景伯唐劉懷玉作孔聖真宗錄以子服景伯在
七十子之間

賓牟賈 廣韻注漢複姓魯有賓牟賈按樂記賓牟賈
侍坐於孔子孔子與之言及樂賓牟賈起免席而請

斯弟子之職也

鞠語 按晏子春秋景公上路寢聞哭聲曰吾若聞哭
聲何爲者梁邱據對曰魯孔曰之徒鞠語者也明於
禮樂審於喪服其母死葬埋甚厚服喪二年哭泣甚
哀公曰豈不可哉而色悅之孔叢子詰墨篇亦載其
事蓋曾參閱損高柴仲由孺悲而外又一孝子也

顏涿聚 或作濁鄒按呂覽云顏涿聚梁父之大盜也
學於孔子爲天下名士以終其壽雖不在七十子之
列不可謂非孔氏之徒矣

廉瑀 見文翁禮殿圖

聖廟祀典考

卷八 附錄 未祀之門弟子考

以上隨見錄

顏歆 續通考歆顏子之子金世宗大定元年從祀廟
庭

樂正子春 檀弓樂正子春之母死五日而不食曰吾
悔之自吾母而不得吾情吾惡乎用吾情

檀弓 經典釋文檀弓魯人善於禮胡寅曰檀弓曾子
門人纂修論語

沈猶行 趙岐注曰曾子弟子

陽膚 包咸曰曾子弟子

公明高 趙岐曰曾子弟子

公明宣 說苑公明宣學於曾子

單居離 大戴記注曾子弟子

子襄 趙岐注曰曾子弟子

按聖門志宗聖廟在嘉祥縣南武山之陽東配子思

西配孟子東廡陽膚公明儀公明高公明宣孟儀西

廡樂正子春沈猶行單居離公孟子高子襄從祀鄭

環謂公明高公明儀公明宣樂正子春皆曾子高第

也較之漢儒因傳經從祀者大有軒輊而不獲附食

文廟則議禮者之過也說苑孟儀即公明儀公孟子

高即公明高

聖廟祀典考

卷八 附錄 未祀之門弟子考

百〇三

成回 說苑成回學於子路

魏文侯 樂記魏文侯問樂於子夏弟子傳子夏為魏

文侯師呂氏春秋文侯師子夏

田無擇 莊周田子方史記魏世家李克曰魏成子東

得卜子夏田子方與干木此三人者君皆師之

段干木 呂氏春秋段干木晉國之大駟也學於子夏

為天下名士顯人以終其壽

李克 漢藝文志李克七篇注子夏弟子按曾西受春

秋於左邱明以授志克則克為曾西弟子

高行子 詩緜衣序心子曰靈星之尸也釋文引徐整

云子夏授詩於高行子

景子 漢藝文志景子三篇注云說宓子語似其弟子

馭臂 橋庇 漢書自魯商瞿子木受易孔子以授魯

橋庇子庸子庸授江東馭臂子弓

公孫尼子 漢藝文志儒家公孫尼子二十八篇注云

七十子之弟子朱彛尊曰沈約謂樂記取公孫尼子

劉歆謂緇衣公孫尼子所作今從顏氏定為孔子門

人

世碩 漢藝文志世子二十一篇注云名碩陳人也七

十子之弟子

聖廟祀典考

卷八 附錄 未祀之門弟子考

芊嬰 漢藝文志芊子十八篇注云名嬰齊人七十子

之後

王史氏 漢藝文志王史氏二十一篇注云七十子後

公孫段 陶潛聖賢羣輔錄公孫氏傳易為道為潔靜

精微之儒朱彛尊曰晉書太康二年汲郡人不準發

魏冢得竹書易五篇公孫段與邵陟論易二篇

盆成适 晏子曰西郭徒居布衣之士盆成适父之孝

子兄之順弟又嘗為孔子門人按盆成适朱氏既見

門人考又見孟子弟子考鄭環謂同姓名非一人也

今兩存之

浩生不害

趙岐曰浩生姓不害名齊人宋贈東阿伯

趙氏曰告子名不害兼治儒墨之道者嘗學於孟子乾隆二十一年孔昭煥奏請罷告子從祀孟廟九卿議稱告子不害之從祀雖見於宋史然考圖書集成及孟氏三遷志皆作浩生不害其改於何時雖不可稽而見所祀係浩生不害並非告子即請定為浩生不害似屬允當

孟仲子

趙岐曰孟子之從昆弟學於孟子者也宋贈

新泰伯詩闕宮傳孟仲子曰是祿宮也經典釋文子

夏傳曾申申傳魏人李克克傳魯人孟仲子

陳臻

趙岐曰孟子弟子宋贈蓬萊伯外書孟母之喪

陳臻治貨

充虞

趙岐曰孟子弟子宋贈昌樂伯外書孟母之喪

聖廟祀典考

卷八 附錄 未祀之門弟子考

百五

充虞治櫬

屋廬連

趙岐曰孟子弟子宋贈奉符伯外書屋廬子

曰無為而治何如孟子曰有心於無為非無為也虞

舜先勞而後逸者也

徐辟

趙岐曰孟子弟子宋贈仙源伯

陳代

趙岐曰孟子弟子宋贈沂水伯外書孟母之喪

陳代治牲

彭更

趙岐曰孟子弟子宋贈雷澤伯

戚邱蒙

趙岐曰孟子弟子宋贈須城伯外書孟母之

喪戚邱蒙治器

高子 趙岐曰齊人孟子弟子宋贈泗水伯韓詩外傳
高子問於孟子曰夫嫁娶者非己所自親也衛女何
以得編於詩也孟子曰有衛女之志則可無衛女之
志則怠若伊尹於大甲有伊尹之志則可無伊尹之
志則篡或以爲卽高行子見前

桃應 趙岐曰孟子弟子宋贈膠水伯外書齊人伐趙
桃應問將於孟子孟子曰毋嗜殺將心也勿爭功將
才也與士卒同甘苦將道也

益成括 趙岐曰嘗欲學於孟子問道未達而去後仕
於齊宋贈萊陽伯

聖廟祀典考

卷八 附錄 未祀之門弟子考

一百六

滕更 趙岐曰滕君之弟來學於孟子

周霄 趙岐曰魏人宋政和五年贈孟子弟子封爵十

八人俱從趙氏註獨遺滕更張九韶羣言拾唾載孟

子弟子有周霄令樂正子公都子萬章公孫丑己從

祀外列十四人與十八數同而人異矣宋政和五年

季孫豐城伯贈子叔承陽伯滕更

周霄不與焉故數同而人異矣

季襄 番禺丁壁曰淮南子汎論篇季襄陳仲子立節

抗行高誘注季襄魯人孔子弟子闕里

述聞

跋

乙酉春因修譜至申江得聖廟祀典圖考閱之竊喜聖賢出處事實考覈詳明士得而習識之何致惘然於先賢儒之名氏封號與工賈山農等耶但圖像聖賢恐難畢肖序謂求漢唐以來先賢儒真像繪入清疑終未釋也丁亥之夏譜事畢考漢靈帝置鴻都門學畫先師及七十二弟子像畫像以祀始此厥後易書以塑被以冕服迨明嘉靖初去塑像易水玉實爲莊重肅穆前祀典圖考願君湘舟輯於道光六年圖像一百四十有五雖有所本難免失真迄今增祀者

聖廟祀典考

卷八

百七

二十餘人若憑空以圖未有不貽譏於有識也茲舍其所圖取其所考並增祀賢儒就見聞所及而續補之復考崇聖祠孔子孟年譜孔子後代及罷祀諸人及未祀之門人或先之或後之而恭錄

上諭於前叅輯文廟祀典考而錄其奏議見從祀之典謹慎嚴明有志之士仰止景行始而希賢繼而希聖矣豈特不等於山農工賈耶同人互相叅校倡捐以付梓人事竣因叙其緣起如此

光緒二十五年己亥夏月上杭邱希濬謹跋

助刊捐資俱光洋

邱耕堂 壹百元 禮樂局 肆拾元 廖任登

林燮梅 張一桂 邱作忠 各叁元 禮樂局

拾陸元 張寶坡 城連 邱蔚會 各貳元 禮樂局

傅雲興 傅贊侯 傅涵夫 邱克家 北山張

各拾元 張汝梅 黃山甫 李永昇 林白齡

陳松勝 陳杰夫 邱成社 邱成會 邱魁會

各伍元 華念三 范松垞 漲 邱拔庸 邱力人

邱玉興 黃雪峰 城連 黃慶元 城連 邱振社 城連 邱達有

邱培忠 邱瀾社 培元堂 歸邑 楊周永 邱長光

聖廟祀典考

捐資

鍾森壽 黃猷軒 吳子修 張子宋 各肆元

傅昆池 孔全興 孔翰社 孔卿雲 丁采石

華文惠 袁心沃 陳景通 陳錫勝 邱煌姿

各叁元 華二希 李和甫 藍蜀亭 雷飛騰

鄧德勇 袁成美 邱為紀 華金社 薛龍文

薛廉水 華應康 華士林 傅星巖 張貞亨

張寅中 郭外村 各貳元 發已上洋 張清源 捐拾元

邱冠羣 捐伍元 曾少卿 曾金山 蔡光儀

楊雲亭 曾蘭坪 葛幼溪 張玉堂 方世明

愛勞田 邱正榮 永和錦 天成坊 各貳元

續捐

廟前江通
姓文會城

游鳳池

各肆元

聖廟祀典考

捐資

二



